

A TRESVERTVEUX, ET ILLV-

STRE SEIGNEVR, LE SEIGNEVR GVILLAY-

me de Gadaigne, Seigneur de saint victor, Baron de Lunel,

Baillif de Mascon, Senechal de Lyon, & Gentil-

homme de la chambre du Roy,

M. Nostradamus desire salut & felicité.

MOnseigneur en recordation du bon acueil
que vostre excellence me fait dans vostre
maison à Lyon, allât à la court, en tât grâd
& sumptueux cōuiue, accōpagné d'vn nô-
bre de graues personnages, tous d'honneur,
de doctrine, de noblesse, & crudition, de mon reuenu
annuel par vne recordation vous ay voulu consacrer
ce petit exigü labeur. Il Vous plaira de le prēdre en grē
& si ie puis entendre que vostre seigneurie n'y prenne
desplaisir, prendray peine vous consacrer œuure qui ne
sera d'vn an: mais sera digne de perpetuelle memoire
en recordation de vostre bienfait. Il vous plaira donc
seigneur prendre en grē cecy, qui n'est rien quant au
respect de V. S. mais qui vous fera cognoistre l'obeisât
seruice, que perpetuellemēt vous portera vostre hum-
ble & de tous voz seruiteurs, toute sa vie. De Salon ce
premier iour de May 1557.

DE LA DISPOSITION GENERALE
de la presente annee 1558. selon laplus. parfaicte
prediction des Astres.



Aduersum me loquebantur, qui sede-
bant in porta aurea: & in me psalle-
bant qui bibebant merum aspidū in
labiis eorum. Il ne faut pour cela lais-
ser de rediger en peu de carte la futu-
re predictiō de la presente annee Mil
cinq cens cinquāte huit. Mars est à Saturne conioinct,
Totum dant acerbis cladibus annum. que, si Dieu n'y
met la main, ie doute fort que le genre humain n'ayt
beaucoup à souffrir la presente ānee, & plusieurs autres
comme selon les influences celestes il appert quant
aux biens de la terre, estre grandemēt fertile: qui est le
premier point, ou consiste toute la vie humaiae. mais
quant à autres factiōs, tumultes, & martiales emotions
les astres font si manifeste apparence, & ont tellement
enflāmē les cœurs de ceux qui nullemēt sont compris
aux influēces celestes, que le tēps ne se pacifiera nulle-
ment, que ne soit adueni. ce qu'occultemēt ceste moy-
enne coniōction de Saturne & de Mars signifie: qui est
le premier iour du moys d'Auril, esuyuāt apres l'eclipse
de la Lune: qui sera presque du tout eclipsée, & vraye-
mēt cela ne sera sans presager, par quelque extension
de temps, diuerses aduentures, telles & si effrenement
formidables, que les plus grands Martiaux mesmes se-
ront contrains de delaisser la plus part de leurs entre-
prinſes, & donner lieu à la disposition du tēps, combien

vrayemēt que cela n'aduiēne point écores en ce terroir
 mais guieres ne tarde, que le poure peuple sera tant fa-
 ché, qu'il esperera plustost la mort naturellemēt aduenir
 par les enormes pestilentes affectiōs, que de voir n'at-
 tendre le pere ses propres enfans védus par la main des
 ennemis, dilacerer leurs membres. combien que de
 toutes telles & plus que p̄digieuses afflictiōs l'vniuersel
 regne Gauloys en soit totalemēt exempt, toutesfois vne
 profonde commiseratiō m'esmeut des natiōs estrāges,
 lesquelles seront fort affligees: car les Astres, ensemble
 vniz & accordez par vne harmonie, presagent non tant
 seulemēt ceste presente anne 1558. mais aussi plusieurs
 des suyantes presque iusques à 1562. & du moys de
 May, ou est vne autre conionction, qui fait indice de
 passer là, ou de faire augmēt: & encor que les menasses
 celestes ne soiēt que deuers les Meridionaux, & Orien-
 taux, ce nō obstant il m'a semblé bon le vouloir rediger
 par escrit. car le glaue de Dieu eternal est luyant par
 plusieurs famines, mortalitez, effusions sanguinaires,
 seditions populaires: mais d'autres plus grandes tristes
 aduentures prouenir deuers l'Assyrie, dequoy ie trouue
 la pestilence & famine estre si grande, qu'elle ait esté
 iamais, que l'air sera tellement infect par quelque con-
 stellation qui s'apparoistra in Leone, & Cancro, que
 guieres ne tardera de descendre par ces pays meridio-
 naux, & septentrionaux, avec forte estrange mutation
 de Regne & d'estat, oppressiōs de raison & de loix, &
 vn autre poinct plus grand, qu'il ne fault obmettre qui
 a son extension par la plus part de l'Europe, que les
 Princes & Monarques auront ceste année certaine pe-

ricitation du murmurement du peuple par trop extreme & intolerable opprefion. avec ce que combien que le bien de la terre face tresgrande & louable apparence de tous bledz, grains & fruiçts des arbres, si est ce qu'il y aura trop grande abondance de ce que mieux seroit n'en auoir point, que tât en abonder: qui sont les vermines, qui corrodent la plus part de la verdure, & de ce que la terre aura produit &, qui sera cueilly, & le pays qui sera non du tout sec viendra à produire & non produire ce que les humains auroient besoing, & non besoing. Aussi ie treuve que cestuy an le monarque de la Hierarchie de toutes ses forces pacifiera la Repub. Chrestienne, combien vrayemēt que le ciel ne face aucune apparence de paix, ce nonobstāt luy sera de louange fait. *Huc nomen Pauli, gladium Pauli, omnia Pauli. At bonus hic multis intulit auxilium.* Combien aussi que sont plusieurs oppositions celestes, qui repugnent totalement à icelle pacification: mais le temps adonné à plusieurs calamiteuses varietez, par autres facheries que par guerres, que plus troubleront les humains par diuerfes maladies, & pestilentes inuasions par tout le discours de l'année, & est vn des principaux signes celestes, qui presagent les maladies epidimiques prendre premierement entre les limites de la fin de l'Europe, & le commencement de l'Afrique courir celle pestillente contagion, qui s'approchera du climat meridional, aux plus principales citez d'Italie & d'Espagne, & paruiendra iusques pres de la mer mediterraneē (mais non iusques à l'an 1559. là enuiron) & sera tant espouventable que la pluspart du monde se viendra à diminuer, & sera

A 3

la pestilence si horrible, que les oyseaux mesmes du ciel n'en eschapperont, & commencera peu apres le Solstice hiemal. car le commencement de l'hyuer sera en partie moderé & attrempé, & non sans froidure forte & glaciale de neiges, pluyes, broillas, la pluspart peu attrempé. Le milieu de l'hyuer sera froid & humide, avec grands vents, & la fin d'iceluy sera plus adonné à pluyes & vents peu moderez, faisant diuerfes esmotions, que seront la pluspart perturbées, & interrompues, & seront les eaux fort augmentées, combien que iouxte la doctrine de Democritus en ses Semaines, fait affirmation les eaux n'estre en trop grande abondance, lesquelles serot grandemēt nuisibles aux autres, horsmis du bien de la terre, & peu à peu les eaux par les neiges liquefies augmenteront, que ne sera sans grand detrimēt aux culteurs de la terre. l'Esté auant le 16. & 20. Iuillet sera mediocre, participant plus de chaleur & d'ardeur inflammatiue, que d'aucune autre qualité : & seront au milieu du printemps les vignes grandement en danger de la bruine & plouuine qui viendra à brusler, ou faudra prier Dieu que telles auentures il nous vueille preseruer, & durant ce temps d'Esté, & printemps serot par mer & par terre qui se faindront de n'auoir entendu paix, pache, cōdition de repos martial ne trefue, qui plus nuiront par quelque temps de fainct repos, que du temps de l'espée & glaiue sanguinolent.

Quid non mortalia pectora cogis, Auri sacra fames?
Auec ce que seront durant ce temps conseilz violents, & pernitiex, diuisions, trahisons, rebellions, & superemotions, tourmens, bannissemens: les espritz & enten-

demens des plus grands seront tellement fâchez & troublez, qu'ilz diminueront le sommeil, le repos diurne, le boire, le manger, & le passetemps, & par opposité ilz vaqueront tellement nuit & iour au fait martial, qu'ilz augmenteront deuers les pays barbares leurs regnes de beaucoup, signifiant avec ce aux Mercurialistes grande diligence d'estude & suprefme doctrine & erudition: mais aussi mesprisement & destruction d'icelle, menassant oultre ce aux Meridionaux & Orientaux vne ardante & inextinguible libide, avec occisiōs, depredatiōs, proces, débats, discords, dissensions & grâdes diuisions entre parents, prochains voisins, & alliez amys. oultre ce, maladie de teste, mal des yeux, prurité, & seront quelques vents: mais doux, benings & amiables, qui viendront destruire totalement les violences des vents austraux & septentrionaux. l'Automne sera plus fâcheux que toute l'année pour cause de la contagion des maladies, & par plusieurs maladies des plus apparens que par subite mort de ceux là, le terroyr sera abandonné, & les honneurs, reuerences, & salutatiōs de paix aux plus grans seront defendues. Prions à Dieu que les fulgurations, gresles, tempestes, affections pestilentes, tremblement de terre, famine & telles furiēses & martiales calamités qui apparoissent par les ymages celestes aduenir, qu'il luy plaife par sa grace les vouloir mitiguer, & que ce mouuement de Roy, de region en autre que pour ceste année ne soit signifiant par aucunes coruscations, mouuement de 48. à 45. que ce ne seroit que quelque mutation d'air toute contraire. Le commun peuple ne sera ceste année sans estre en grâc

tumulte & sedition, les vns tueront les autres dans les temples, mesme ne deffaillira qui ira mettre à mort son plus proche parent. Dans les maisons seront meurtris, destrouffez, derobez, & plusieurs temples profanez, pilliez, expoliez: & seront pollues & souillées les mains des plus proches, hors mis guerre être monarques, serôt de telles querelles, debatz & noises, que se cōmettront des choses fort enormes. Mars monstrera bien qu'il suscitera intrinsequemēt plusieurs execrables emotions. plusieurs à table, apres que le pere liber aura faict son debuoir, se viendront à emouuoir telles querelles, que de long temps ne s'appaiseront sans grande effusion sanguinolēte, par le bruit & tumulte que tout à vn coup sortira. Seront morts plusieurs. que par leur defaillimēt la pluspart de leur fureur sera estaincte, & courra l'vn contre l'autre: mourront à la place qui sous vmbre de pillerie voudront defendre les inondations aux septentrionaulx & meridionaux, seront faits extrauagantes, de tous fruiētz grande & merueilleuse apparence, & de tous animaux. Le fruiēt sera cōmode, la santé, hors mis pestilente affection, sera rare. Les nations contre les nations courront faisant pillerie l'vn contre l'autre. Priōs Dieu qu'il nous vueille donner grace de passer ceste année en paix & tranquillité.

D V P R I N T E M P S · 1558.

Le Printemps commencera ceste année le xi. iour de Mars, le Soleil entrant au premier poinct d'Aries, à 0. degré 53. mi. la Lune à 16. deg. 40. mi. de Leo, qui à son commencement sera chaut, humide, & Mars dominant en Aries, puis ayant aduisé la planette Solaire

qui s'estoit coniointe avec Iupiter, la Lune à la teste du
 dragon. le 29. du moys de Decembre dernier passé, qui
 signifioit les principaux Monarques Chrestiens faire
 quelque fait, non fait de pache, trefue, & de paix non
 paix: car le Soleil qui est opposé de Iupiter le 20. de
 Iuillet, signifie quelque différent de certaines grandes
 factions, qui ne sortiront en effect, & seront reuoltez, &
 aussi que la conionction de Saturne avec Mars enne-
 mys precedent, l'eclipse lunaire vient totalement à re-
 pugner à telles beneuolences & concordes, combien
 que par autres aspectz fait apparoir quelque scintile de
 concorde & vnion: mais non tous comprins, ce que se-
 ra prins, sera prins. La cause, qui sera cause du grâd feu:
 sera ainsi de l'extinction d'iceluy, & si ne sera tellement
 estainte ne suffoquée, que la mode Latine, en France
 deuers les regions Latines, ne face trembler toute la
 partie meridionale: mais beaucoup plus grande felice
 prosperité deuers le pays oultre les Alpes, & que là en-
 uiron le regne des Gaulois augmente: mais d'ailleurs
 ou lon entrera dans le cœur, lon en sortira que par le
 moyen de Mars du tout assoupy, & non du tout: avec
 vne pache de paix, iouxte les apparences celestes, ne
 sortant rien en effect, & si treuve d'auantage que quel-
 qu'un des principaux monarques, qui ne demande que
 sa ruyne, non de luy ne moins de son regne, mais qu'en
 faisant paix mal à luy, bien ad milites, & autres de paix
 nō paix, & aussi ie treuve que des quatre quartiers Rō-
 me se trouuera close, tellement que ne seront deffaillās
 de Sceuola, ou du fait semblable, & l'un qui tiendra, &
 de present tient, que pour vne simple audition, ou rap-

B

port de perte de non conflict, & conflict n'attendra les seures nouvelles, & s'en retournera en arriere comme cil qui ne porte, aussi pour cause de l'eclipse lunaire, qui est le 2.iour d'Auril, qui concerne commencement du printemps, que la malice, & son sinistre presage durera autant de moys comme quadruplicant les heures de sa duration : & appert plustost la ruyne & mortalité de tous troupeaux, comme bœufz, vaches, moutôs & semblables, comme afferme Prolomée en son second liure du Quadripart.chap.7. au milieu, aussi il ne faut douter que deuers les Espaignes, ou Libra tient la domination : & Romme que par moyen de ceste eclipse n'endurent beaucoup de maux, miseres & calamitez par plusieurs & diuerses afflictions: aussi que la Lune a esté eclipsée 15. degrez, 44. minu. de Lib. qui signifie que la plus grande perte & dommage aduiendra à toutes personnes qui trafiquent le fait de marchandise qu'à autre : aussi que les mercurialistes sus ce printemps aurôt à souffrir beaucoup, vne fois seront fort esleuez en honneur & dignité, puis apres seront deprimez, tellement que se trouueront fort en arriere par ceste eclipse. Les astres font apparoir que le fruit de la terre ne sera sans periclitacion, comme afferme le susdit. Si eclipsis fuerit in aliquo signo solsticialium vel æquinoctialium, vel in signo æquinoctiali vernali, in fructibus arborum, cum oriri cœperint earum significationes inuenientur. Et pour cause aussi que telle eclipse a esté en signes mobiles, comme sont Aries & Lib. vient à preseruer de mort, de maladies, d'inconuenient, & de danger les Roys, Empereurs, Monarques, & tous autres grands princes,

à cause qu'il a esté fort esloigné des signes cōmuns . Le milieu du printemps sera attrempé, sec, moderé, non sans pluyes, brouillats, & quelques fulgurationstonnitrueuses . Le cor sonné ne sera obey le monarque, plus lon voudra voir son ennemy qu'en auoir rapport, la pluye, le mauuais temps, & le trop bon temps fera mal & bien. La fin du printemps tendra plus à chaleur qu'à humidité, combien que selon la diuersité des regions & pays participera partie de chaleur & humidité, & plus beaucoup de chault qu'autrement, combien que pour la distance du Soleil diametralement opposité, & par la conionction de Saturne à Mars l'un extrememēt froid, l'autre chaut & sec, feront que le tēps sera moderé, que par icelle moderation les faits martiaux seront tellemēt esmeuz, que quelque cry ou renommée que ce soit de pacification, lon ne cessera pourtant que ne se facēt plusieurs embuscades, assaillimens, depredations tant par mer que par terre, & seront faits naufrages par les grandes inondations d'eaux, que parauāt ont esté precedentes. Et si voudrois affermer que quant à ce que cōcerne mon estat de prediſtion, iouxte les significations futures des astres, que la paix dommagera plustost que la guerre, & desirera on reuiure Annibal, combien que soyent plusieurs qui par vne temeraire audace voudrōt contrarier à mon opinion, mais i'en laisse le iugement à plus iustes, & à ce qu'il en sera : quia ex bello nascetur pax : mais non pas encores, car telle paix sera grandement preiudiciable: Dieu y pouruoye.

DE L'ESTÉ. 1558.

L'esté commencera le 12. de Iuin le Soleil entrant au

B 2.

premier point de Cancer à 13. mi. la Lune conioincte
 à Saturne à 10. degrez, 17. mi. de Taurus, qui sera chaud
 & sec, sera plus qu'ardent & enflammé, là peu deuant
 ou apres seront plusieurs mutations de temps, qui con-
 trarieront totalement à noz predictions, & seront iours
 qui du tout seront exemps d'aspectz, comme iours vui-
 des & vains, qui pour lors seront les plus furieux & plus
 muables que nul des autres, tellement que cōbien que
 le temps soit par trop adonné à chaleur ardante & in-
 flammation, ce nonobstant seront plusieurs iours pour
 la diuersité des vents qui feront tout vn nouveau chan-
 ge, mesme le 2. de Iuin, ou les portes de l'air seront tel-
 lement ouuertes, que la chaleur ardente, seicheresse &
 inflammation se viendra à pacifier par le fait de la guer-
 re. Mars ascendant est en grandissime periclitacion de
 empoisonnement, non de luy, mais par ses faitz: ce qu'il
 portera sera apparoissant. La grande cité aura plus de
 besoing: celle famille qui tient les trois graces de mar-
 bre blanc en sa maison rentrera par vio'ence, & fera
 toute la famille aspre de nom presque expolié & extir-
 pé. Par là seront factions terribles. Roma domus fiet
 Reges mutate quirites. Roma domus fiet duces muta-
 te quirites. Et sin'est il pas temps de faire telles migra-
 tions, par le commencement de l'esté seront telles fa-
 ctions par guerres, que ie treuve s'approcher les mal-
 heureuses afflictions de ce terroir: mais ne seront telles
 que les astres demōstrent estre proches aux regions
 maritimes, qu'il n'y aura nulle quelle que ce soit, que
 soit exempt de la plus horrible facherie que iamais
 aduint à vie d'homme viuant de present: combien que

Dieu eternal qui viendra ouyr l'affliction de son peuple
 captif, & estre entre les mains pches des infideles, ouy-
 ra le plainct & le viendra deliurer. Le 28. du mois de Iuin
 sera celuy qui portera preiudice grâdemēt aux fruietz
 de la terre & aux arbres, mais par opposite portera grâ-
 de vtilité aux mains sanguinaires. Les nauigās fauoris
 de Mercure seront en leur grād auātage. Deuers le co-
 stē barbare ne viendra que moins qu'il apportera quel-
 que peu deuant. fera vent austral, qui bruslera presque
 tout ce q pour lors sera verdoyāt. ô quelle estrange mu-
 tatiō de tēps, les astres font aparoir: & telles que iamais
 depuis le regne des Chrestiens n'en fut de telles. Nec mi-
 remur hanc nostrā inferiorē naturā diuersorū hominū,
 Imperatorū, Regū, Principū, & terrarū magnas habere
 mutationes,; ū n etiā in illa superiori forma & durabili
 materia quasi rectrice fati tā euidēs sūt rerū omniū ma-
 nifesta mutatio. que encores demōstre estre plus grāde
 qu'il n'est possible de declairer: presque vne subite reno-
 uation de regne & de siecle, & en plusieurs lieux ou les
 guerres serōt frequētes le Soleil viendra à brusler & cō-
 sumer toute l'humeur de la terre, mesmes durant touto
 l'espace de cest estē: mais que durāt les conionctiōs des
 planetes, mesmes des deux luminaires viēdrōt tellemēt
 à troubler le tēps & esmouuoir tēpeste, mēsmement en
 signes humides, cōme le dernier du mois de Iuin, qui
 viendra à restaurer l'humidité qui par ardeur trop vehe-
 mente sera anichilée. Erītque hac in re œconomia & di-
 ligētia Dei opificis, digna cōsideratione, q̄ ita permu-
 tatæ erūt oppositiones, vt Luna in hac presertim estate
 plena tenebit signa Hyberna frigidiora & humidiora:

B 3.

& rursus sequēti hyeme plena tenebit signa æstiuā. qui
causera que les pleines lunes durāt cest estē viēdront à
diminuer, tellemēt l'ardeur du Soleil & l'inflāmatiō:&
par oppositē cest hyuer viēdra à moderer le tēps:& tel
le moderation faite par les moyēs & causes susdites se-
ront plusieurs tumultes & emotiōs militaires, tant par
mer q̄ par terre, qui serōt quelque peu intraturbēes par
plusieurs mutatiōs cōstituees dans l'inclemēce de l'air.
Serōt aussi diuerses maladies cōtagieuses & pestilētes:
diuers empoisonnemēs:& sera fait vn grād dōmage au
biē de la terre, tant du cueilly que à cueillir. Prinſes, pri-
sons, captiuités, desordres, partialitez, embusches, reuol-
tes, radimēt, ſieures ardātes, cōtinues, tierces, disſinte-
ries:aux ieunes flux de sang par le nez auāt l'aage de 36
ans, toutes les eaux cōtaminees, & en plusieurs pays ou
se trouuera plus grāde abondāce de vin que d'eau:& ce-
cy aduenir à la pluspart de l'Italie.& quelque peu de Pro-
uēce, en mer & terre pestilēces:& deuers le pays de Frā-
ce aux lieux esloignez de la planure & mōtueux vniuer-
sel par la Guiēne, par vne partie du Lāguedoc, Perigort,
Rouergue, Bourgogne, Bourbonnois, Viueray, Dauphi-
né, vne partie de la Sauoye, Auvergne, tout le long de
Loire, vne partie de la Frāce, Bretagne & Anjou: la tē-
peste, tōnerre, gresle & eclipse dōmagerōt beaucoup le
bien que pour lors sera sus la terre apparoiſſant:& pour
cause que aucuns malins aspectz seront cōtraires.& du-
rera cest estē touchāt celle gresle & tēpeste que sera vne
choſe terrible voyāt dresser celle nuee tant obscure qui
sera ensainte de telle maligne deuastation. O dij talem
terris auertite pestem. de faire priere à Dieu eternal. Et

minitare acré cruēta securi. La peste au bestail de trou-
peau sera grāde. dans cest esté seront plusieurs iours di-
uers: mais beaucoup du printē. mourrōt de grās per-
sonnes d'hōneur & de plaincte: mesmes ieunes enuirō
40. ans, & plusieurs autres qui ne serōt guieres moins à
plaindre: prelatz & autres que leur sepulchre ne sera là
ou ilz pretēdoiēt: mais hors du terroir de leur natiuité,
& d'autres que presque demy mors s'en retourneront
dens leur terroir avec la dextre estēdue. Ceste annee est
vrayemēt celle q̄ ceux que Mars viēt à dominer, la plus
part serōt esleués, enrichis nō moīs de grādes richesses,
que d'estude & bōne renōmee: & serōt plusieurs que par
couardise & retardemēt, & classe nō esperee, qui se arra-
cherōt la barbe de n'auoir voyagé. Nous prietons tous
Dieu vnanimement qu'il nous face telle grace que puissiōs
nō tant seulemēt passer cest esté, mais toute l'annee, &
que telles calamiteuses prediCTIONS ne nous aduiennēt.

DE L'AUTOMNE 1558.

L'automne cōmencera le 14. de Septēbre le Soleil en-
trant au premier poinct de Libra, qui sera froid & sec: la
Lune à 3. minu. de Scorpio froid & sec par tous endrois
tendant à frescheur & humidité, avec broillats & vents
frais: participāt à son cōmmēcemēt de chaleur & seche-
resse, cōbien que les premiers iours seront pluuieux par
les signes qui selon leur cōstitution ainsi establis menal-
sent de deux qualitez cōtraires, assauoir siccité & super-
fluē humidité: & le tout resolu ses deux qualitez seront
exuberātes, tant que la secheresse surmōtera la chaleur:
puis au milieu sera fort humide: & deuers la fin froid &
sec, participant de la constitution des iours diuers: il est

bien vray que le cōmencemēt sera maladiſ & peſtilēti:
 innumerable poureté vāgante par le fait martial, qui
 n'aura fait que p ceux qui aurōt magnanimité & cœur
 de Lyon. Les vēdenges ſerōt froides & mouillées, non
 ſans grād empēſchemēt: tout le cours celeſte tend à vne
 certaine froideur & humidité: & ſerōt terribles inonda
 tions d'eaux. Et ne ſerōt que es parties ſeptentrionales, &
 vne partie du midy. Les efferz de Mars, qui par la vehē
 mente ardeur, & mauuaiſe indiſpoſition de tēps eſtoiēt
 en partie mis en oubly, ſe commencerōt à reueiller. Ne
 tardera durāt ce tēps qu'un nouueau eſleu & non eſleu
 ayant avec ſoy les grans, ne pouuāt faire pis ſermera le
 tēple de Ianus, & le ccindra d'une guyrlande de paix &
 de victoire auiſe par prudēce, & belliques ſtratagemes.
 La variation du tēps ſera tant grāde qu'elle fut iamais
 ou poſſible de long tēps. Au cōmencemēt ſerōt inonda
 tions par pluies abondātes, nō ſans naufrages & ſumer
 ſions. Auſſi par le meſme tēps ſeront ſecheresses, vents,
 broillas, ſuperabondātes humiditez, qui cauſerōt malā
 dies diuerſes & cōtagieuſes. Les faits Martiaux tant du
 couſté des Barbares, que des Chreſtiē ſerōt terribles &
 exorbitāz tāt que furēt long tēps a par les maladies pe
 ſtilētes, mutatiōs de ſieures cōtinues de celles meſmes
 qui ont eſté durāt l'eſté: avec ardeur & inſlāmation, cha
 leurs, alienatiōs de ſens: frenesies incōpatibles, principe
 de quartes, hidropiſies, iauniſſes, hectiques, crachement
 de ſang: & toutes telles affectiōs ne ſerōt ſans le deffail
 limēt de pluſieurs perſonnes, qui ſerōt plus de plaindre
 pour le bien d'autrui, que d'eux meſmes. Le depart de
 la mer mediterrane, Sicule, Hadriatique, Liguriſque &c.

coreyre par estranges nations ne sera sans grād preindice des Chrestiens. La terre n'aura du tout produit ce qui estoit par vehemente apparace: car il s'en trouuera plus de la moitié failliz. Les nouuelles de met aux monarques seront que l'un n'aura dommagé l'autre. Par famine sera prinse ce que tāt de tēps auoit tenu; & se repētera plustost ne l'auoir fait. Le monarque qui deuers cest Autōne fera traitemēt de paix s'en repentira, le principal ne sera ouy en sa cinquiesme voix: les effectz se monstreront à la fin de l'Autōne: plusieurs inhumanitez par captiues surprinses, & par icelles qui paruiēdrōt par violēce & force hostile. Quelques autres prinsees faitēs par vne effrenēce pertinacitē, que pour cela le tormēt Ence: au deuāt mis seront mis au fil de l'espēe, telles sinistres apparāces ne se monstrēt que deuers ou Hister passe par là, & ausi pres du Tymbre, Sebetho, Pado, & Rubicon, & plusieurs autres fleues aux regions Italiques, ne les Liguriēs, ne les Demylandes fachez, la gueulle ouuerte crierēt à la faim; que nul secours n'y sera donné: autres facheries demonstrēt les cieux, qui sont ambigues quāt à ma cognoissance, & ne les fussent: nihilominus reticendū est. On menera telle reuiuifsāce en court royale qu'on ait veu long tēps a, horsmis que aucuns surprins de quarte que dūrant l'exces facherā des plus principaux mais sa santé sera bien tost recouuerte. Nous prions à Dieu qu'il luy plaise nous faire grace de passer cest Autōne sans mal & danger.

D E L'Y V E R.

L'yuer ceste annee commencera le 12. Decēbre, le Soleil entrāt au premier point de Capricorne, 0. degr. 30.

C 1.

mi. la Lune à 28. deg. 45. minu. de Capricor. qui au commencement sera froid & sec, avec neiges, glasses, vës septentrionaux, vne partie austraux, serôt grās amas de neiges, quivers la fin se liquefiās & auferôt enornes submerçions plus que ne furēt de long tēps: son principe sera inconstāt & muable, participāt vne fois de froid vêt, neiges, geles, verglas, bruines & temps diuers: & apres les neiges le vent du midy, avec pluyes & iours moderez, routesfois ne sera cōmode pour les agriculteurs: cōbiē que l'yuer selon la cōmune opinion des Astrōlogues, & & la cōstitution des planetes le tēps apres icelle humidité & secheresse inconstāte, la pluspart du tēps sera cōsummatif des pluyes. Et pour cause qu'en son milieu seront fais iours attrépez de peu de durée, serôt faites encores de grādes inondations, que Dieuvueille qu'en plusieurs païs on ne soit contraint de semer deux fois: & ne fera sans naufrages plus par fleuves. Discretam aspiciet clāsē Neptunus in vndis. Durant ce principe d'yuer se traiteront quelques matieres concernāt le fait de l'annee 1559. mais ne sera tant assoupi que ceux qui auront virilemēt occupé le regne qui leur appartient: par aucūs iours bons, beaux & paisibles ne cesseront pour cela de passer outre, l'accord qui se traitera icy ne condescend nullemēt à la raison, on ne se voudra expolier de ses forces. La cōionction qu'on pretēdoit l'vn par trop subiect au grād, grand, grād, ne se pourra accorder: combiē que par les deux parties le voloir y soit grād: mais l'épēschemēt par lettres de pērsuasion sera cause de plus grāde & mortelle guerre que n'a estē long tēps: puis par les pluyes, neiges & autres acerbès constitutions de tēps se

reposeront toutes les deux parties : puis feront diuerſes
 inuaſions & embuſcades par paix fainte & ſimulée ſe-
 ront fais pluſieurs enormes tradimés. Ceux qui auront
 donné le conſeil paſſer outre eſtre endoctrinés par ceux
 du pays ſeront emeuz & conſeillez ſecretement laiſſer
 les lieux, ce que ne ſe pourra accorder. Le glaïue eſt pē-
 du au ciel, qui menaſſe quelques citez grandes de troyſ
 principales miſeres, facherics & calamitez, combié que
 par telles influēces les images celeſtes no^o donnēt quel-
 que ſcītile d'aduertiſſemēt: ſi eſt ce que les grās ſuiuront
 leur fortune, & de vray eſt fort grāde, par vne emulation
 pareille ie treuue plus grande prudēce, fortune plus p-
 ſpere aux limites des inſubres: combien vrayement que
 par tous couſtez ſe monſtreront les vaillās Fabiēs, telle-
 mēt qu'onques l'Itale ne fut en tel trouble du tēps que
 Annibal paſſa les mons Pirences & Apennius, & paſſa
 outre les Latins: toutesſois quelque diuine faction pro-
 mettoit quelques articles de cōcorde, vnion & paix in-
 aſſeurée, & pernicioſe à l'aduenir aux Gaulois, que auſſi
 appert par vn ſextil aſpect qui n'eſt pas du tout de ſi
 parfaicte amitiē comme le trine : & pendant ce quart
 mouront quelques perſonnes de vieil aage, meſmes de
 prelature, & d'autres qui auoient regné beaucoup par
 pluſieurs terres & pays, meſmes par l'europe vniuerſel-
 lemēt, ou nous auōs dreſſé noſtre principal enteni. avec
 reumes, catharres, pleureſies, appoplexies, diſtilatiōs de
 nez & d'vrines, meſmes aux vieux ſieures continues, en-
 cores les diſſinteries ne ſeront ſedées, quelques ſignes
 peſtilens. Et ſeront pluſieurs temples prophanés, pilliez
 & expoliez durant le temps de ceſt hyuer. Et ſeront prui-

dens ceux qui depuis le premier de Decēbre iusques au 10. de Mars feront guet: car encores seront fais plusieurs destrouffemens & pilleries. Dieu par sa grace les yuicille conuertir. Les martiaux durant cest hyuer seront en facherie, & esperance qui ne sera du tout vaine. Prions Dieu qu'il luy plaise nous preseruer des malignes influences que les astres nous font apparoir durant cest Hyuer, & yuicille retourner la paix au peuple.

*Des Lunes nouuelles, pleines & quartiers. Premièrement
En Ianuier. 1558.*

La plaine Lune le 4.iour à 3. heures, 26. mi. à 22. degrez 19. minutes de Cácer, sera pluueuse tēdant à moderatiō de tēps avec vens froids, neiges & gellees carharreuses, pleuretiques, & reumatiqs.

Dernier quart le 11. à 2. mi. 0. degré. 25. mi. de Scorpio froid & sec: avec vēs, neiges, geles, & mutatiōs de tēps reumatique. Nouuelle Lune le 19. à 5. heu 34. mi. à 6. deg. 52. mi. d'Aquarius, pluueuse, tendāt à bone moderation, naisāt quelque cas d'admiratiō. Premier quart le 27. à 0. heu. 17. deg. 52. mi. de Taurus, chaud, humide, attempé, faisant grandes inondations d'eaux & de fleues.

F E V R I E R.

Pleine lune le 2.iour, à 13. heu. 57. mi. à 15. deg. 56. mi. de Leō, chaude, avec vent Septentrional, & autre mutatiō de temps par pluyes, vens, & geles. Dernier quāt le 9.iour à 18. mi. 20. deg. 55. mi. de Scorpio, tēdra à maligne cōstitution de tēps. Nouvelle Lune le 17. à 23. heu. 15. mi. à 27. deg. 45. m. d'Aquarius, pluueuse & exigue mutatiō de mauuais tēps à bon, emouuāt tumulte d'vne gent cōtrē l'autre. Premier quart sera le 25.iour à 8. mi. à 11. deg. 58. mi. de Gemini, chaude & humide, tendāt à chaleur, pluye & brouillats, & vens.

M A R S.

Pleine Lune le 4.iour à midy 53. mi. à 23. deg. 0. mi. de Virgo, chaude & humide, avec quelque mutatiō de tēps, continuāt brouillats & vēs, avec expedition nauale & terrestre. Le dernier quart le 12.

à 14. mi. sus le poinct Equinoctial, à 13. deg. 18. mi. de Sagittarius, froid & sec, trouble de tēps, maladiſ, & quelques neiges. Nouvelle lune sera le 19. à 13. heu. 28. mi. à 1. deg. 40. mi. d'Acties; chaudi, humide, tendât à beaux tēps. Dernier quart le 26. à 15. mi. à 7. deg. 27. mi. de Cácer, pluuieuſe vn peu, puis tendât à chaleur & humidité avec mal de teste.

A V R I L

Pleine Lune le 2. iour à 12. heu. 32. mi. à 15. deg. 44. mi. de Libra, froide & ſeiche, avec vēr, froidure, & encorres quelques brouillās, ecliptee du tout preſageant ce qu'eſt cōtenu, que à deſcēſion quatre mois. Le dernier quart sera le 10. iour à 9. mi. à 25. deg. 24. mi. de Capricorne froid & ſec, peu glacial & pluuieuſe avec quelque brouillās dōmageable aux fruits qui pour lors ſerōt. Nouvelle lune le 18. à 1. heu. 12. mi. à 6. deg. 55. mi. de Taurus, chaude, humide, attrēpée, avec modēſſiō de tēps, tumultuār par mer & terre. Premier quart le 24. iour, à 18. mi. à 2. deg. 58. mi. de Leo; chaudi & ſec, paſſāt la fin du mois ſans dāger ne periclitatiō de gelee, mais eſmouuāt guerre & tēpeſte.

M A Y.

Pleine Lune le 2. iour à 1. heu. 20. mi. à 20. deg. 34. mi. du Scorpiō plus dāgereuſe de gelee maritine que de toute l'année. Dernier quart le 10. à 5. mi. à 27. deg. 18. mi. d'Aquarius, pluuieuſe & frais, de ſecrets & malings effectz. Nouvelle Lune le 17. à 10. heu. 12. mi. à 29. deg. 31. mi. de Thaurus, chaude, humide & attrēpée, tendât à chaleur. Premier quart le 24. à vñc heu. 11. d'g. 58. mi. de Virgo, chaud & ſec, avec vent & inſlāmation. Pleine lune le dernier iour à 14. heu. 39. mi. en Sagittarius, froide & ſeiche, avec vens tendât à chaleur.

I V I N.

Dernier quart le 2. à 17. mi. 17. deg. 37. mi. de pēſcēs, chaudi & humide, faiſant pluye, puis chaleur & ſeicheſſe gēneratiue de fleurs chaudes, cōtinues & ardātes. Nouvelle Lune le 15. iour à 17. heu. 45. mi. à 22. deg. 48. mi. de Gemini, chaude & ſeiche, quelque ſigne pluuieuſe. Premier quart le 22. iour, à 9. mi. à 5. deg. 12. mi. de Libra froid & ſec, avec vens Auſtraux amiable, puis ardeur & inſlāmation. Pleine Lune le dernier iour à 5. heu. 9. mi. à 14. deg. 54. mi. de Capricornus, froide & ſeiche, de peu de durée, puis chaleur grande, ardeur peſtilente, & de forte inſlāmation.

I V I L L E T.

Le dernier quart le 8. iour à 7. mi. à 21. deg. 30. mi. d'Aries, chaude & humide, ayt plus de secheresse q̄ d'inflamation, quelq̄ trouble & mutatiō de tēps. Nouvelle Lune le 15. iour, à 0. heu. 42. mi. le Soleil & la Lune de mesmes poinctz en Leo, qui sera chaude, seiche, ardāte, & d'extreme inflamation incōpatible & febricitante. Premier quart le 21. à 19. mi. à 27. deg. 24. mi. de Libra, froid, sec, maling par l'entrēe des iours Caniculaires, & mutations de tēps. Pleine Lune sera le 29. à 20. heu. 24. mi. à 5. deg. 45. mi. d'Aquarius, pluuieuse peu, & vent tendāt apres chaleur ardāte, & inflamation generatiue de fieures continues, tierces, quotidianes, & principe des quartes.

A O V S T.

En Aoust sera le dernier quart le 6. iour à 18. mi. à 13. deg. 41. mi. de Taurus, chaud & sec, avec gresles & fulguratiōs. icy par tout le moys de Iuin & Iuillet passē iusques à la fin de cestuy, & estranges mutatiōs de tēps. Nouvelle Lune le 13. iour à 9. heu. 30. mi. à 24. deg. 40. mi. de Leo, chaude & seiche, avec ardeur & inflamation meslees avec vēs, pluyes, gresle, & tēpeste. Premier quart le 20. iour à 10. mi. à 1. deg. 36. mi. de Sagittarius, froid & sec, tēdant à froideur, quelq̄s brouillas & humiditez, subites mutatiōs. Pleine Lune le 28. à 11. heu. 59. mi. à 8. deg. 20. mi. de Pisces, humide tēdant à bon tēps: mais avec gresle, tēpeste, eclipse, & pluye d'impetuosité.

S E P T E M B R E.

Le dernier quart le 5. iour à 2. mi. à 20. deg. 36. min. de Gemini, chaud & humide, moderatiō de tēps avec inconstāce. Nouvelle lune le 11. iour à 16. heu. 30. mi. approchāt du poinct Equinocial, à 18. deg. 14. mi. de Virgo, chaude & seiche, faisant nouuelles emōtions par mer & par terre. Premier quart le 19. à 2. heu. à 4. deg. 31. mi. de Capricornus, froid, sec, tēdant à playes, inondations & grādes humiditez tendāt le pere liber trop attrēpē. Pleine lune le 27. à 3. heu. 18. mi. à 11. deg. 31. m. d'Aries, chaude & humide, avec clemēce de tēps, & à la fin mutable par vent glacial & brouillas.

O C T O B R E.

Le dernier quart sera le 4. iour, à 9. heu. à 15. deg. 34. mi. de Cācer

pluueuse, & tédant à tēps chaud, doux, attrempé, & brouillats.
 Nouvelle lune le 11.iour à 3.heu. à 26.mi. à 26.deg. 22. mi. de Li-
 bra, froide & seiche avec humidité, mortifiât par maladies dāge-
 reuses de l'aage de 36. ans iusques à 50. Premier quart le 18.iour, à
 22.heu. à 24.deg. 10.mi. de Capricorne, froid & sec, pluye, & tēps
 diuers. Pleine Lune le 26.iour à 17.heu. 37.mi. à 3.deg. 30. iii. de
 Taurus; chaude, humide, & attrempee.

NOVEMBRE.

Dernier quart le 2.iour à 16.heu. à 11.deg. 1.mi. de Leo, attrépe,
 avec pluyes, brouillats, estrāge mutatiō de tēps. Nouvelle Lune le
 9.iour à 17.heu. 24.mi. à 17.deg. 48.mi. de Scorpio, froide, piquā-
 te, cōmencemēt de neige, mutatiō de tēps en diuerses cōstitutiōs.
 Premier quart le 17. à 18.heu. à 26.deg. 9.mi. d'Aquarius; pluieux
 tendāt à mauuais tēps inōdatiōns de fleuves faisant ēpēchemēt
 aux semēces. Pleine Lune sera le 25. à 7. heu. 33. min. à 9. deg. 9
 min. de Gemini, attrépe, puis diuerses mutatiōs de temps.

DECEMBRE.

Le dernier quart le 2.iour à mydi. à 20. deg. 20. min. de Virgo
 peu attrépe, puis par pluyes & neiges du tour abastardy delaisāt
 le bon tēps. Nouvelle lune le 20.iour à 10.heu. 44.mi. à 22.deg. &
 22.mi. de Sagit. froide & seiche, tendāt à mauuais tēps, mesme du
 12.iour, & quelques iours attrépez cōme de prime vere peu dura-
 ble. Premier quart le 17.iour, à 14.heu. à 28.deg. 34.mi. de Pisces,
 froid & sec, quelque iour attrépe, puis cōtinuāt en froidure. Plei-
 ne Lune le 24.iour à 19.heu. 22.mi. à 2.deg. de Cancer, pluueuse,
 quelque peu modérée de mauuais tēps, & la fin de l'an reumatiq̃
 & quatarreuse. Priōs Dieu qu'il nous doint grace de passer l'an-
 née en paix, amour, vnion & concorde les vns avec les autres.

Almanach pour l'an M. D. LVIII.

Nombre d'Or	1. Pasques	10. Avril.
Epacta	11. Rogations	15. May.
Cycle solaire	27. Ascension	19. May.
Lettre Dominicale	B. Pentecoste	29. May.
Indiction Romaine	1. Corpus Christi	9. Juin.
Septuagesime	6. Fe. L'aduent	27. Nouēbre.
Quadragesime	23. Fe. Interualle	2. semaines, yn iour.


EXTRACT DV PRIVILEGE.

Par sentence donnee de monsieur le yreuoisi de Paris ou son Lieutenant civil. Il est permis & octroyé à Guillaume le Noir, libraire & relieur de liures iuré en l'Vniuersité de Paris, d'imprimer & mettre en vente, les Almanachs, Presages, pronostications & predictz composez par M. Michel nostradamus, & defendu à tous libraires, imprimeurs, & autres personnes, de quelque estat qu'ilz soyent de n'imprimer, ou faire imprimer ne mettre en vente lesdictz Almanachs, pronostications, Presages & predictz composez par ledict nostradamus, sinon ceux que ledict le Noir aura imprimez ou fait imprimer, sur peine de confiscation desdictz liures, de prison, & d'amende arbitraire. Fait le lundy vingtiesme iour de Septembre, l'an cinq-cens cinquante sept.

Signé Goyer.



Hazte con el libro que adelanta la historia.
CAESAREM DE NOSTRADAMUS



www.caesaremnostradamus.com

© Manuel Sánchez, 2007

[Email:info@caesaremnostradamus.com](mailto:info@caesaremnostradamus.com)

Reservados todos los derechos. Copyright

Esta publicación es solo para uso privado. Únicamente se podrá acceder a esta copia con previo permiso del autor. Queda terminantemente prohibida cualquier copia total o parcial de esta obra.

Con esta excepción, ninguna parte de esta publicación puede ser reproducida o transmitida en cualquier forma o por ninguno medio, electrónicos o mecánicos, incluso fotocopiada, sin permiso por escrito del autor.